
БУ ЙИЛГИ “БИРИНЧИ ҚЎНҒИРОҚ”; ТАДБИРИ 15-УМУМТАЪЛИМ МАКТАБИ ЎҚУВЧИЛАРИ УЧУН ҚЎШАЛОҚ БАЙРАМГА АЙЛАНИБ КЕТДИ

Янги Ўзбекистонда эл азиз, инсон азиз

Бугун, ўқув йилининг биринчи кунда туманимиздаги барча умумтаълим мактабларида “Билимлар кун” муносабати билан “Биринчи қўнғироқ” тадбирлари бўлиб ўтди.

Бу йилги “Биринчи қўнғироқ” тадбири 15-умумтаълим мактаби ўқувчилари учун қўшалок байрамга айланиб кетди. Чунки, Янгидўкон маҳалла фуқаролар йиғини ҳудудидаги ушбу таълим муассасасининг мавжуд ўқув бинолари 4851,8 млрд сўм маблағ эвазига мукамал таъмирланди ҳамда 300 ўринли қўшимча ўқув бино қуриб битказилди. Қурилиш-таъмирлаш ишлари пудратчи ташкилот “ООО Заман Булдинг” МЧЖ томонидан олиб борилди. Шунингдек, синф хоналари тўлиқ ўқув жиҳозлари билан жиҳозланди.

Мактабнинг тантанали очилиш маросимида Қўштепа тумани ҳокими Илёсбек Новиков, туман ҳокимининг ўринбосарлари, шунингдек, масъул идораларнинг раҳбарлари, маҳалла нуронийлари ва фаоллари иштирок этишди.

Тадбирда сўз олган туман раҳбари Илёсбек Новиков барча ўқувчиларни 2022-2023 ўқув йили билан самимий муборакбод этди.

Байрам тусини олган дастурда мактаб устозлари ва ўқувчи ёшлари ўзларининг бадий чқишларини намоиш этишди.

Тадбир давомида мактабда қурилиш-таъмирлаш ишларини олиб борган пудратчи ташкилот “ООО Заман Булдинг” МЧЖ ишчи-ҳодимларига миллий урф-одатларимизга кўра тўн ва чорси топширилди.

Шуни алоҳида такидлаш лозимки, Тошкент шаҳрида бўлиб ўтган Ўзбекистон чемпионатида 15-умумтаълим мактабининг баскетболчи қизлари жамоаси 1-ўринни эгаллаб, октябр ойида Сингапурда бўлиб ўтадиган жаҳон чемпионати мусобақаларида иштирок этидиган бўлишди. Тадбирда туман раҳбари жамоа ғалабасини алоҳида эътироф этиб, келгусидаги мусобақаларда улкан зафарлар тилади.

Шундан сўнг туман ҳокими Илёсбек Новиков ҳамда маҳалла нуронийлари, фахрий устозлар, мактаб маъмурияти 1-синфга қабул қилинган болажонларга Президент совғаларини ҳамда мактабнинг рамзий калитини тантанали тарзда топширдилар.

“Билимлар кун” тадбирлари тумандаги барча мактабларда юқори савияда ўтказилди.